



Universitätsbibliothek Paderborn

**Scintillæ Ignatianæ, Sive Sancti Ignatii De Loyola,
Societatis Jesu Fundatoris Apophthegmata Sacra**

Hevenesi, Gábor

Coloniæ, 1715

VD18 10988289

19. Decembris. Huic quàm maximè invigiletis; alter de altero in bonitate
sentientes, ut utrique invicem diligamus. S. Ignat. apud Bart. I. 3. f. 250.

[urn:nbn:de:hbz:466:1-50423](#)

I9. Decembris.

*Huic quām maximē invigiletis ; alter de
altero in bonitate sentientes , ut uniuersus
invicem diligamus. S.Ignat. apud Bart.
l.3.f.250.*

Amor Dei latissimē patet : tot habet
appendices amores, quot homines
ut ex oceano fluvii in eundem reversi
deducuntur, ita ex sincero Dei amore plu-
rimi derivantur amores, qui ad ipsum re-
vocantur.

Si amicorum omnia sunt communia,
debent etiam amores illis esse communes.
Deum non diligit, qui non eadem cum il-
lo diligit. Vide, quid non possit amor Dei
cogit omnes ad omnium amores.

Profanus amor, ut amet unum , odit
plures, offendit omnes , cæcus semper, &
cum amat, & cum odit. Dei amor tum ef-
ficacius amat unum, cum tenerimē amat
omnes , & cum nullum odit , tunc solam
unum verè amare se probat.

Homines natura nos esse, non feras vo-
luit, id est, sociales; humanitatem debemus
amo-

amoribus, ne illa in nos, censura cadat:
quod homo homini lupus audiat; qui calce
ferit ut equus, rugit ut leo, mordet ut ca-
nis, cornupetit ut taurus, homo non est.

20. Decembris.

*Cui inutilis benignitas extitit, utilis ejus
exemplo cateris sit severitas. S. Ignat.
apud Ribaden. l. 5. c. 7.*

UT severitas, sic & remissio, cum mo-
dum nescit, evertit imperia. Matrum
indulgentia plurimos perdidit, quos tem-
pestivus patris rigor servare potuisset. Ma-
lus superior, sub quo nihil ulli liceat, pe-
jor, sub quo omnia omnibus.

Qui conniventia sibi subditis placere
curat, Deo displicebit; quia pluribus viam
malis aperit, quam ut facile dein queant
extirpari. Sera nimium est medici severitas,
dum totum cancer corpus occupavit.

Eò graviora censentur mala, quò pluri-
bus officiunt. Qui parcit malis, nocet om-
nibus: illis, quòd non emendentur, aliis,
quòd sequiora facilius exempla imitentur.
Plura remissio, quam severitas reipublicæ
minatur damna.

Quod